

Dwa Ou ak Pwoteksyon Kont Fakti Medikal Sipriz yo

Lè w resevwa swen ijans oswa yon pwofesyonèl swen sante ki pa nan rezo a trete ou nan yon lopital ki nan rezo a oswa nan yon sant chirijikal anbilatwa, ou gen pwoteksyon kont fakti sipriz yo oswa fakti depase yo.

Kisa "fakti depase" (kèk fwa yo rele "fakti sipriz") lan ye?

Lè ou ale lakay yon doktè oswa lòt pwofesyonèl swen sante, sa kapab rive ou gen yon lajan pou ou peye, tankou yon kopeman, koasirans, epi/oswa yon dediktib. Ou kapab genyen pou ou peye lòt pri oswa gen pou ou peye tout fakti a nèt si ou ale lakay yon pwofesyonèl swen sante oswa vizite yon lòt sant sante ki pa nan rezo asirans sante ou an.

“ Deyò Rezo a ” dekri pwofesyonèl swen sante ak sant sante ki pa te siyen yon kontra ansanm ak plan asirans sante ou an. Pwofesyonèl swen sante ki pa nan rezo a kapab gen otorizasyon pou li voye fakti sou diferans lajan ki genyen ant sa plan asirans ou an aksepte peye ak montan total yo chaje pou yon sèvis. Yo rele sa "fakti ki depase". Jeneralman montan sa a plis pase pri rezo a pou menm sèvis lan epi yo p ap konte li nan kalkil limit depans anyèl ou an.

“Fakti sipriz” se yon fakti ou pa te atann ak li. Sa kapab rive se lè ou pa kapab kontwòle moun ki enplike nan swen sante ou - tankou lè w gen yon ijans oswa lè w planifye yon vizit nan yon sant sante ki nan rezo a men sanzatan se yon pwofesyonèl swen sante ki pa nan rezo a ki ba ou swen.

Ou pwoteje kont fakti depase pou:

Sèvis Ijans: Si ou gen yon ijans medikal pou kesyon maladi epi w resevwa sèvis ijans nan men yon pwofesyonèl swen sante oswa sant sante ki pa nan rezo a, pi plis lajan pwofesyonèl swen sante oswa sant sante a ka voye fakti pou ou se lajan patisipasyon ou bay nan plan asirans ou an (tankou kopeman ak koasirans lan). Yo pa kapab voye fakti pou ou pou sèvis ijans sa yo. Sa gen ladan li sèvis ou kapab resevwa aprè eta sante ou fin estab, amwenske ou bay konsantman ou alekri epi w renonse ak pwoteksyon asirans sante ou an ofri ou yo ki anpeche yo voye fakti ki depase pou sèvis aprè ou fin estab yo. Gade Lwa Florida §641.3154; Lwa Florida § 627.64194.

Kèk Sèvis nan yon Sant Ospitalye oswa nan yon Sant chirijikal anbilatwa Lè ou resevwa sèvis nan yon lopital oswa yon sant chirijikal anbilatwa ki nan rezo a, kèk nan pwofesyonèl swen sante yo kapab pa nan rezo a. Nan ka sa yo, pifò pwofesyonèl sa yo kapab voye fakti pou ou k ap egal ak montan ou konn peye pou frè patisipasyon nan pri asirans sante ou an. Sa aplike pou medsen ijans, anestezi, patoloji, radyoloji, laboratwa, newonatal, asistan chirijyen, espesyalis swen ospitalye oswa medsen espesyalis sèvis swen entansif. Pwofesyonèl swen sante sa yo pa kapab voye fakti ki depase pou ou epi ka pa mande pou ou renonse ak pwoteksyon ou genyen kont fakti ki depase yo. Si w resevwa lòt sèvis nan sant sante sa yo ki nan rezo a, pwofesyonèl swen sante ki pa nan rezo a pa kapab voye fakti ki depase pou ou, sof si w bay konsantman ou

alekri epi renonse ak pwoteksyon ou genyen yo. Yo pa p janm mande ou pou w renonse ak pwoteksyon ou genyen kont fakti ki depase yo. Epi tou, ou pa gen obligasyon pou w ale pran swen yon kote ki pa nan rezo a. Ou kapab chwazi yon pwofesyonèl swen sante oswa yon sant sante ki nan rezo plan asirans ou a. Gade Lwa Florida §641.3154, Lwa Florida § 627.64194, Lwa federal No Surprises Act ak règ final pwovizwa ki vin apre yo.

Lè yo pa otorize pou voye fakti ki depase pou ou, ou gen pwoteksyon sa yo:

- Ou sèlman responsab pou peye frè patisipasyon ou yo (tankou kopèman, koasirans ansanm ak dediktib ou ta dwe peye si pwofesyonèl swen sante an oswa sant sante an te nan rezo a). Plan asirans sante ou a ap peye pwofesyonèl swen sante yo ansanm ak sant sante ki pa nan rezo a dirèkteman.
- An jeneral, plan sante ou a dwe:
 - Garanti sèvis ijans yo san mande pou gen otorizasyon alavans pou resevwa sèvis yo (otorizasyon davans).
 - Pwofesyonèl swen sante ki pa nan rezo yo kouvri sèvis ijans yo.
 - Baze sou sa ou dwe peye pwofesyonèl swen sante a oswa sant sante a (lajan patisipasyon) sou sa li ta dwe peye yon pwofesyonèl swen sante oswa sant sante ki nan rezo a epi montre montan sa a nan dokiman ki dekri avantaj yo.
 - Konte nenpòt valè lajan ou peye pou sèvis ijans oswa sèvis ki pa nan rezo a nan kalkil dediktib ou yo ansanm ak limit depans ou yo.

Si w panse yo pa byen faktire ou pou sèvis yo, ou kapab kontakte:
U.S. Department of Health & Human Services
200 Independence Avenue, S.W. Washington, D.C. 20201
Sant Apèl Gratis: 1-877-696-6775